

崇

儉

編

無錫萬氏校本



歡 迎 翻 印



(崇 儉 編)

※ 元 五 十 七 洋 本 成 計 本 千 每 ※

※ 厘 四 分 八 洋 本 每 售 零 ※

※ 行 印 院 經 刻 央 中 ※

中央刻經院啟事

院址 北京宣外大街教場口外

(迤北路西觀音寺內)

本院除刷印各種佛學及勸善書
籍以爲挽回風俗糾正人心之先
導外並代流通各省刻經處如北
京天津長沙南京蘇州杭州成都
磚橋等處之佛經以弘法化此布

印造經像之十大利益

- (一) 從前所作種種罪過。輕者立即消滅。重者亦得轉輕。
 - (二) 常得吉神擁護。一切瘟疫水火寇盜刀兵牢獄之災。悉皆不受。
 - (三) 夙生怨對。咸蒙法益而得解脫。永免尋讐報復之苦。
 - (四) 夜叉惡鬼。不能侵犯。毒蛇餓虎。不能爲害。
 - (五) 心得安慰。日無險事。夜無惡夢。顏色光澤。氣力充盛。所作吉利。
 - (六) 至心奉法。雖無希求。自然衣食豐足。家庭和睦。福壽綿長。
 - (七) 所言所行。人天歡喜。任到何方。常爲多衆傾誠愛戴。恭敬禮拜。
 - (八) 愚者轉智。病者轉健。困者轉亨。爲婦女者。報謝之日。捷轉男身。
 - (九) 永離惡道。受生善道。相貌端正。天資超越。福祿殊勝。
 - (十) 能爲一切衆生種植善根。以衆生心作大福田。獲無量勝果。所生之處。常得見佛聞法。直至三慧宏開。六通親證。速得成佛。
- 印造經像。既有如此殊勝功德。故凡遇●祝壽●賀喜●免災●祈求●懺悔●薦拔●之時。皆宜歡喜施捨。努力行之。

崇儉編目次

第一章 總論

第二章 法戒

第一節 勸儉名言

第二節 能儉懿行

第三節 豐儉得當

第四節 奢侈招尤

第五節 貪污招災殃

第六節 奢儉分禍福

第三章 望慾

第一節 飲食

第二節 衣服

第三節 室廬

第四節 田園

第五節 器用

第六節 玩好

第七節 聲色

第八節 宴會

第九節 饋遺

第十節 貨財

第十一節 嫁娶

第十二節 生辰

第十三節 喪葬

第十四節 施濟

第四章 救弊

第一節 儉不可慳

第二節 儉復宜勤

第五章 結論

第一節 訓俗

第二節 垂範

崇儉編目次 完

崇儉編

無錫萬 鈞叔豪編

第一章 總論

古者衣帛食肉。必待五十以上。今人則反是。家常服御。朝夕饗殮。務求美備。若非此不足以適口體者。逮家資耗盡。有求爲貧人而不可得。推原其理。良由享用過豐。消盡福祿。酣豢成習。憚畏勤勞。此家道所以落也。是故持家處世。必從尙儉始。魏書曰。尙儉者開福之源。好奢者起貧之兆。管子曰。姦邪之所生。生於不足。不足之所生。生於侈。侈之所生。生於無度。又曰。民無餘積。其禁必不止。夫欲民有餘積。自當首在節用。次在生源。蓋源有盡而用則無盡也。今就天下之人言。生之者十一。用則盡人而難免也。就一人之身言。生則無幾時。用則雖死而未了也。就人

情之大凡言。生之念易於自阻。用則愈侈而愈廣。生既有限。復不力求
撙節。雖極勤之效。仍歸不敵。是即所謂川流不能實漏卮。山海不能贍
谿壑者也。由是觀之。則儉之尤要於勤可知矣。曾子固曰。用財有節。則
天下雖貧。其富易致也。用財無節。則天下雖富。其貧亦易致也。甚矣儉
之不可不重講也。至儉之益。尤難殫述。蓋儉則寡欲。寡則可以保身。復
能安貧。安則可以立品。居官儉則養廉。服賈儉則致富。譬諸一家子弟。
自幼習成儉約。則到處便宜。到處適意。遇艱難而不畏。歷辛苦而不疲。
若其足食豐衣。養成驕惰。一旦稍營苦境。便覺無地容身故。余本此意。
輯爲是書。用資勸戒。

第一章 法戒

儉可爲法。奢可爲戒。奢儉攸分。禍福自昭。謹輯法戒六則如左。

第一節 勸儉名言

孔子對哀公曰。古之君子。即安其居。節醜其衣服。卑其宮室。車不雕幾。器不刻鏤。食不貳味。不欲傷財害民也。傳威曰。奢侈之費。甚於天災。古者堯有茅茨。今之百姓。競豐其屋。古者臣無玉食。今之賈豎。皆厭梁肉。古者后妃。乃有殊飾。今之婢妾。被服綺羅。古者大夫。乃不徒行。今之賤隸。乘堅策肥。古者人稠而有餘蓄。由於節也。今也土曠人稀。而患不足。由於奢也。張衡東京賦曰。遵節儉。尚素樸。思仲尼之克己。履老氏之常足。所貴惟賢。所寶惟穀。民去末而返本。咸懷忠而抱慤。金史曰。古者地廣人淳。崇尚節儉。而又惟農是務。故蓄積多而無饑饉之患。今地狹民衆。又多棄本逐末。耕者少。食者衆。故一遇凶歲。而民即病。許魯齋曰。地力之生物。有大數。人力之成物。有大限。取之有度。用之有節。則常足。取之無度。用之無節。則常不足。物之豐歉。由天。用物之多少。由人。呂叔簡曰。滿目所見世上。無物不有淫巧。這淫巧。耗了世人多少生成之財貨。

誤了世上多少生財的工夫。淫巧不誅。而欲講理財。皆苟且之談也。漢景帝詔曰。雕文刻鏤。傷農事者也。錦繡纂組。害女紅者也。農事傷。則饑之本也。女紅害。則寒之原也。飢寒並至。而能無爲非者。寡矣。況今日之妄費人工。枉用財物。不止十倍於此二事也。奈之何民不窮且盜也。魏莊渠曰。萬分廉介。不過小善。半點貪污。便成大惡。其源由於不儉。士大夫。不但以此檢律自己。亦當以此防範家人。魏環溪曰。儉。美德也。余謂仕路諸君子。崇尚尤急。數椽可以蔽風雨。不必廣廈大庭也。癡奴可以應門戶。不必舞女歌童也。繩床可以安夢魂。不必花黎螺鈿也。竹椅可以延賓客。不必理石金漆也。新甕可以供飲食。不必成窰宣窰也。五簋可以叙閒闊。不必盛席優觴也。經史可以悅耳目。不必名瑟古畫也。去一分奢侈。便少一分罪過。省一分經營。便多一分道義。慎之哉。黃含仲曰。人無壽夭。祿盡則死。是以一生財祿。皆有數定。服用之際。豈宜過奢。

譬如人有錢一千。一日用盡。則明日無有。若日用一百。則可至十日。日用五十。則又可至廿日。凡人惜福。當作是觀。或曰。人有廉儉而壽夭。貪奢而壽長者何。曰。廉儉而命促者。當生之數少也。若更奢侈。則愈促矣。貪奢而壽長者。當生之數多也。若更節儉。則愈長矣。古云。同一好色。而稟有厚薄。同一奢侈。而貲有多少。禍至分遲速耳。陳仲醇曰。今寒士一旦登第。凡輿馬僕從。飲食衣服之數。即欲與膏粱家爭爲盛麗。秋毫皆出債家。謁選之官。債主即隨之而至。此極愚事也。非盜竊帑藏。剝民財。何以償之。及其罷歸林下。則恣橫於鄉黨。居閒請託。估計占奪。無所不至。安得國有廉士。鄉有端人。又安得不殃及子孫。甚有不測之災禍及身者。魏莊渠答王郡守曰。來諭禁奢靡。息爭訟。此誠今日對病之藥也。如某之愚。更願明公以書請於鄉士大夫。相率以儉。共成禮俗。以爲民表。富民能節儉好禮者。勞之。擇其犯分尤不率教者。或使卹其宗族。

黨。或罰之開墾荒田水利。而官無所利焉。小民庶其風動乎。乃若倡鄉
優賭博。搬戲雜劇。男女遊山燒香。此尤風俗大蠹。願爲之厲禁。犯則峻
治之。羅一峰曰。士誦讀時。見墨吏所爲。輒切齒恨之。高談擊節。似可翺
翔古人。而犬豕若輩也。一旦綰綬佩符。則勢利之薰炙。妻子之浸淫。朋
比之慙慙附和。於是良心死。而貪心生矣。如倚門之娼。如負嵎之虎。巧
取虐取。不知名義爲何物。職業爲何事。殊不思七尺之軀。一日之饗。米
不過一升。肉不過一豆。冬不過一裘。夏不過一葛。爲吾身。則身外皆長
物也。爲子孫。子孫不能保而有也。卒使正士羞與同朝。正人羞與同鄉。
至於後裔之有知識者。亦羞以爲祖。吁。可念哉。樊孝介公。少時聞人說
海忠介事。慨然曰。我後當師法此人。爲崑山令。或以其自奉太苦。寄書
及之。報書曰。吾所苦者。善因未脩。惡緣難謝耳。七篇腐文。偷取進賢冠。
有衣有食。施及妻子。寸步驅輿。賓客偃僂而進者。日不乏人。此何苦乎。

爲令得錢。必須繁訟。小民反唇。道路鼓舌。惶汗掩耳。若勿聞也。訟已復聽。聽已復訟。暑寒不輟。盈箱在庫。刺刺向所司藏之。展轉到舍。又嘔煦與舍人謀。水陸閒關。千里萬里。乃抵其家。又叮嚀向妻子僕婢而重託之。簞金所有。或輶置。或問舍。或求田。遠盼遙思。常恐世事不如人意。盡夜搖搖如懸旌。念之苦乎不苦乎。清波雜志云。生而富貴。窮奢極欲。無功德而享官爵。又求壽。當如貧賤者何。若又使之永年。爲造物者。無乃太不均乎。昔志逢禪師。以用洗鉢水太多。而宿疾纏身。袁盎九世爲高僧。以坐沈香座講經。而人面癰附體。豈得以罪軀頑質。諸般汰侈享用。而無苦報乎。何如移以周宗族。濟貧病。積陰功之爲善也。呂新吾曰。予作身家盛衰循環圖。始而窮困。繼而悔悟。因悔悟而習勤苦。因勤苦而知節儉。由節儉而漸富足。富足之後。則生驕滿。習豪奢。恣淫暴。必至招禍變。乃歸困窮。此循環一定之理。以天所生之物。養天所生之人。均衣

平食。俾各不至飢寒。尙不可得。况富者田連阡陌。金滿箱囊。飫甘饜濃。醉月眠花。畫棟雕梁。乘堅策肥。其狼籍暴殄之餘。猶足以嘔僮僕而飽狗彘。乃耕夫織女。早作夜勤。祁寒暑雨。黧身枯面。枵腹攢眉。兒羸女鬻。終歲辛勤如馬牛。而一家衣食如乞丐。又瞽目殘軀。孤兒獨老。菜色鶉衣。爲溝中瘠。爲道邊殍者。在在有之。彼富貴者之所棄餘。乃不足者之所資以養命者也。既不肯樂施與以益彼之不足。又不能崇節儉以惜己之有餘。天何親何疎。已何功何德。能久享此乎。明者觀於目前。其盛衰可歷歷指矣。

第一節

能儉懿行

迪吉錄曰。胡質清畏人知。閥閱名高。吳隱之廉不易心。子孫世德。盧懷慎爲飢寒宰相。累世公卿。李元紱爲清白孝子。兩代元老。鄭埜清承父志。官至侍郎。耿元疇廉成世德。兩代尙書。觀錄中叙諸賢原委。令人神

往。又周子奉身甚約。俸入盡周宗族家。無百錢之儲。朱博廉儉。絕去酒色宴遊。食無三桮之奉。翟公異。身歷兩府。自奉甚於寒士。包孝肅。位居樞密。衣食同於布衣。洪武中。來恭以歲貢爲御史。彈劾不避權勢。有譖之者。帝私幸其第。見其夫人紡綿。公親鋤菜。乃誅讒者。而益重公。正統五年。擢軒輊爲浙江按察使。寒暑一青布袍。補綴殆遍。居常蔬食。妻子親操井臼。與僚屬約。三日出俸錢市肉。不得過一斤。僚屬多不能堪。故舊至。食惟一豆。或具雞黍。則人驚以爲異。毛介典選舉。以儉率人。天下莫不以廉節自勵。楊綰性清儉。車服古樸。不治第宅。拜相。制下之日。中丞崔寬。即亟自毀撤其臺榭。郭子儀方宴客。聞之。減音樂五分之四。杜黃尚儉素。及爲相。李師古即折跋扈之謀。終身不敢改節。以此見能儉之關係大也。汪西崑曰。我邑偏處一隅。素風古樸。自陸比部多冠蓋交遊。華侈之習。煽動耳目。士紳家。遂靡然一變矣。今王冢宰公。率先復古。

往時會客。非十穀不敢舉。今以冢宰公故。雖三穀。客不怪也。往時婚娶。樓船連接。笙歌喧闐。競以誇勝。今以冢宰公不舉樂。不張紅。不用彩輿。而里之鄰近。且有以舉樂張紅爲不自安者。冢宰公見人厚歟。則怫然起。見人炫服。則愀然憂。每與人言節儉一端。不憚諄諄往復。以爲人品污潔。全係乎此。士紳多承教焉。今且循循然。古風復覩也。可見一人倡導。其關係一方風俗者不淺。劉忠宣公大夏。尊人名仁。令瑞昌。與高安令嚴某同入覲。時楊恭襄當國。與劉嚴皆嫺親也。遣一价往覘。价還報曰。嚴富厚雅稱一官。劉草席布被。瓦盆煤竈。猶然窮人耳。嚴賣劉特先見。贄以金幣。公却之。劉嗣見。具茗一封蜜一缶耳。公嘉納之。尋擢劉爲御史。在臺中享同僚。一枯魚而已。後楊展幕還朝。便道造劉。時忠宣公尙幼。問父在否。曰在道中。母安否。曰在鄰家磨麪。詣寢室。床上唯蒲席布被。喜曰。可稱眞御史矣。海忠介公巡撫江南。常自乘馬。不用八昇四

掖尋常牘牒。草紙可書。不計邊幅也。家僮織布短袖。能藝業者。工作不能者。種植。不坐食也。自奉止蔬菽。經旬略用魚腥。公服外。無綺縠。轉大中丞。主僕二人到任。冠服不備。躬詣肆中市買。人無識者。至蒞任。衆始知之。卒於官。僉都王用汲入視。葛幃敝簾。有寒士所不堪者。嘆息泣下。海公始終清節。名重山斗。正惟自奉能安淡苦與。唐夔令新昌。能儉有善政。吏胥令業屨。又戴驥令役夫開圃種菜。與海忠介之家僮工作種植。皆有以裕其能儉能廉之源也。大抵不論何等人。若坐食無生理。至飢寒切於飢膚。欲其無爲奸貪。不可得矣。

第三節 豐儉得當

吾人持家處世。能豐儉得當。爲最難矣。古今名人傳中。能如此者。十有五六。其尤克己待人者。莫如晏平仲。敝車羸馬。而三族沾恩。齊士賴以舉火者。三百餘家。范文正公。痛恨子孫享富貴之奉。嘗曰。祖宗積德數

百年而始發於吾。若不周濟宗族。死何以見祖宗。生亦何顏入家廟乎。故持身極儉。而祿入盡以濟人。尤厚宗族。置義莊以贍之。高允身居大位。貧至諸子樵採自給。而婚媾中有流離飢寒者。輒傾家賑施。使咸得其所。杜正獻公。自布衣至爲相。衣服飲食無所加。雖妻子亦有品節。家故饒貲。諸父析屋。公以所得。悉與昆弟之貧者。俸祿所入。以給姻族。賙人急難。至其歸老。無宅以居。寓於南京驛舍者久之。如上諸賢。約已濟人。可敬可羨。不然。徒嗇儉而求贏餘。守錢虜耳。況儉嗇之極。必生奢男。惹天災。是坑陷子孫也。豈計之得哉。朱道行。爲高安令。歸終隱濤溪。裝橐蕭然。以湯臨川句顏其楣曰。保精神。則本業固。謹財用。則高志全。又自著令。食不厚味。暮不復食。凡里中宴。有朱先生。率相尙以儉。一衣十餘年。不易。居室不粉飾。旁壁蒲葦。牖結蓬。取蔽風雨而已。有餘。率以資宗族。子履和。克承父教。暑苧寒木綿。終不用紈綺。每飯必菜羹。嘗言貧。